


孟東野詩集

七八

卷七
懷寄
送別下



酬答
送別上

漢書門類	一〇一七	七	六	四	九
類	號	函	架	冊	冊

內閣文庫	漢
一〇一七	三二
八五	函
架冊號	


內閣文庫	番號	漢 10167
	冊數	5 (4)
	函號	312 196





孟東野目錄卷七

淺草文庫



懷寄

寄張籍

憶周秀才素上人時間各在一方

舟中喜遇從叔簡別後寄上時從叔初擢第

歸江南郊不從行

懷南岳隱士二首

春夜憶蕭子真

孟東野卷七日

寄院中諸公

寄洛州李大夫

寄盧虔使君

寄崔純亮

汴州離亂後憶韓愈李翱

寄張籍

寄義興小女子

憶江南弟

宿空姪院寄澹公

寄陝府鄧給事

送諫議十六叔至孝義渡後奉寄

至孝義渡寄鄭軍事唐二十五

酬答

答友人

酬友人見寄新文

答韓愈李觀別因獻張徐州

答書上人止讒作

答姚怱見寄

答鄧郎中

答盧虔故園見寄

汝墳蒙從弟楚材見贈時郊將入秦楚材適

楚

同從叔簡酬盧殷少府

酬李侍御書記秋夕雨中病假見寄

答盧仝

奉報翰林張舍人見遺之詩

送別上

送從弟郢東歸

山中送從叔簡赴舉

送別崔寅亮下第

大梁送柳涪先入關

送無懷道士遊富春山水

送温初下第

送盧虔端公守復州

送任齋二秀才自洞庭遊宣城

送曉公歸庭山

送豆盧策歸別墅

送清遠上人歸楚山舊寺

山中送從叔簡

送蕭鍊師入四明山

終

孟東野詩集卷七

唐 武康孟郊 撰

宋 天台國材 評

懷寄

寄張籍

夜鏡不照物。朝光何時昇。一作暗然愁氣走入志士
膺。志士惜時逝。一宵三四興。清漢徒自朗。濁河終
無澄。舊愛忽已遠。新愁坐相凌。君其隱壯懷。我亦

既云思矣又
云入膺便疊
宜作秋氣秋
色是

清高之語

逃名稱。古人貴從晦。君子忌黨朋。傾敗生所競。保全歸憫情。浮雲何當來。潛虬會飛騰。

憶周秀才素上人時聞各在一方

東西分我情。魂夢安能定。野客雲作心。高僧月爲性。浮雲自高閒。明月常空淨。衣敝得古風。居山無俗病。吟聽碧雲語。手把青松柄。羨爾欲寄書。飛禽杳難倩。

舟中喜遇從叔簡別後寄上時從叔初擢第

歸江南郊不從行

一意兩片雲。暫合還却分。南雲乘慶歸。北雲與誰羣。寄聲千里風。相喚聞不聞。

懷南岳隱士二首

見說祝融峯。擎天勢似騰。藏千尋布水。出十八高僧。古路無人跡。新霞吐石稜。終居將爾叟。一一共余登。

千峰映碧湘。真叟此中藏。飯不煮石喫。眉應似髮

藏千尋二句
折腰體本朝
蘓黃亦時用
此法

無其事而有其趣

長。楓。狸。楮。酒。甕。鶴。虱。落。琴。牀。強。效。忘。機。者。斯。人。尚。未。忘。

春夜憶蕭子真

半。夜。不。成。寐。燈。盡。又。無。月。獨。向。堦。前。立。子。規。啼。不。歇。况。我。有。金。蘭。忽。爾。為。胡。越。爭。得。明。鏡。中。久。長。無。白。髮。

寄院中諸公

奕。奕。秋。水。傍。駸。駸。綠。雲。蹄。月。仙。有。高。耀。靈。鳳。無。卑。

棲。翠。色。遶。雲。谷。碧。華。凝。月。溪。竹。林。遙。歷。覽。雲。寺。行。攀。躋。冠。豸。猶。屈。蠖。匣。龍。期。剗。犀。千。山。驚。月。曉。百。里。聞。霜。輦。戍。府。多。秀。異。謝。公。期。相。携。因。之。仰。羣。彥。養。拙。固。難。齊。

寄洛州李大夫

自。從。薊。師。反。中。國。事。紛。紛。儒。道。一。失。所。賢。人。多。在。軍。鳥。巢。憂。迸。射。鹿。耳。駭。驚。聞。劒。折。唯。恐。匣。弓。貪。不。讓。勳。方。知。省。事。將。動。必。謝。前。羣。鶴。障。常。先。罷。魚。符。

造語新

最晚分。步閒洛水曲。笑激太行雲。詩叟未相識。竹
兒爭見君。殷勤起談說。記盡古風文。一作風

寄盧虔使君

霜露再且換。遊人猶未歸。歲新月改色。客久線斷
衣。有鶴冰在翅。竟久力難飛。千家舊素沼。昨日生
綠輝。春色若不借。一作可爲君步芳菲。

寄崔純亮

百川有餘水。大海無滿波。器量各相懸。賢愚不同

科。羣辯有姿語。衆歡無行歌。唯餘洛陽子。鬱鬱恨
常多。時讀過秦篇。爲君涕滂沱。

汴州離亂後憶韓愈李翱

會合一時哭。別離三斷腸。殘花不待風。春盡各飛
揚。懽去收不得。悲來難自防。孤門清館夜。獨臥明
月牀。忠直血白刃。道路聲蒼黃。食息三千士。一旦
爲豺狼。海島士皆直。夷門士非良。人心旣不類。天
道久反常。自殺與彼殺。未知何者臧。一作亦

只一盲目造
出宛轉多意
然甚歌作古
却異於古

二語却古

結與起合

寄張籍

未見天子面。不如雙盲人。賈生對文帝。終日猶悲辛。夫子亦如盲。所以空泣麟。有時獨齋心。髣髴夢稱臣。夢中稱臣言。覺後真埃塵。東京有眼富。不如西京無眼貧。西京無眼猶有耳。隔墻時聞天子車。麟麟麟。麟麟車聲。輾冰玉。南郊壇上禮百神。西明寺後窮瞎張太祝。從爾有眼誰爾珍。天子只尺不得見。不如閉眼且養真。

寄義興小女子

江南莊宅淺。所固唯踈籬。小女未解行。一作病臥酒弟老更癡。家中多吳語。教爾遙可知。山怪夜動門。水妖時弄池。所憂癡酒腸。不解委曲辭。漁妾性崛強。耕童手皴皴。想茲為襁褓。如鳥拾柴枝。我詠元魯山。胸臆流甘滋。終當學自乳。起坐常相隨。

憶江南弟

白首眼垂血。望爾唯夢中。筋力強起時。魂魄猶在

孟東野卷七

五

題是寄詳詩
意只似憶耳
未解行之女
寄之何為

東眼光寄明星。起來東望空。望空不見人。江海波
無窮。衰老無氣力。呼叫不成風。孑然憶憶言。落地
何由通。常師共被教。竟作生離翁。生離不可訴。上
天何曾聰。未忍對松栢。自鞭殘朽躬。自鞭亦何益。
矩教非所崇。努力拄杖來。餘活與爾同。不然死後
恥。遺死亦有終。

宿空姪院寄澹公

夜坐冷竹聲。二三高人語。燈窻看律鈔。小師別爲

便是夜境

侶。雪簷晴滴滴。茗椀華舉舉。磬音多風飈。聲韻聞
江楚。官街不相隔。詩思空愁予。明日策杖歸。去住
兩延佇。

寄陝府鄧給事

陝城臨大道。館宇屹幾鮮。候謁隨芳語。鏗詞芬蜀
牋。從來鏡目下。見盡道心前。自謂古詩量。異將新
學偏。懃人年六十。每月請三千。不敢等閑用。願爲
長壽錢。非關亦潔爾。將以救羸然。孤省癡皎皎。默

每下此語必有異

吟寫綿綿。病書憑晝日。驛信寄宵鞭。疾訴將何論。
肆鱗今倒懸。塵鯉見枯浪。土鬣思乾泉。感感無緒
蕩。愁愁作□原缺邊。貞元文祭酒。即陽公比謹學韋玄。滿坐風
無雜。當朝雅獨全。見知囑徐孺。賞句類陶淵。一顧
生鴻羽。再言將鶴翩。宣揚隘車馬。君子湊駢闐。曾
是此同睠。至今應賜憐。磨墨零落淚。楷字貢仁賢。
送諫議十六叔至孝義渡後奉寄

僚別飲孤易醒。離憂壯難銷。文清雖無敵。儒貴不
敢驕。江吏捧紫泥。海旗剪紅蕉。分明太守禮。跨躡
毗陵橋。伊洛去未迴。遐矚空寂寥。

至孝義渡寄鄭軍事唐二十五

咫尺不得見。心中嗟嗟。官街泥水深。下脚道路
斜。嵩少玉峻峻。伊雒碧華華。岸亭當四迴。詩老獨
一家。洎叟何所如。鄭食唯有些。何當來說事。爲君
開流霞。

酬答

答友人

白日照清水。淺深無隱姿。君子業高文。懷抱多正
 思。砥行碧山石。結交青松枝。碧山無轉易。青松難
 傾移。落落山俗韻。琅琅大雅詞。自非隨氏掌。明月
 安能持。千里不可倒。一返一作別無近期。如何非意中。良
 覲忽在茲。道語必踈淡。儒風易凌遲。願存貞堅節。
 勿謂霜霰欺。

可想其人

酬友人見寄新文

為客棲未定。况當玄月中。繁雲翳碧霄。落雪和清
 風。郊陌絕行人。原濕多飛蓬。耕牛返村巷。野鳥依
 房櫳。我無飢凍憂。身託蓮花宮。安閑賴禪伯。復得
 疏塵蒙。覽君郢曲文。詞彩何冲融。謳吟不能已。頓
 覺形神空。

此首平夷有
次第不作鉤
棘及覺近古
為勝

答韓愈李觀別因獻張徐州

富別愁在顏。貧別愁銷骨。懶磨舊銅鏡。畏見新白

便欲作怪

髮古樹春無花。子規啼有血。離弦不堪聽。一聽四五絕。世途非一險。俗慮有千結。有客步大方。驅車獨迷轍。故人韓與李。逸翰雙皎潔。哀我摧折歸。贈詞縱橫設。徐方國東樞。元戎天下傑。禰生投刺遊。王粲吟詩謁。高情無遺照。朗抱開曉月。有土不埋冤。有讐皆爲雪。願爲直草木。永向君地列。願爲古琴瑟。永向君聽發。欲識丈夫心。曾將孤劍說。

答晝上人止讒作

止渭水涇流
二語餘不見
有止讒意

烈烈鸞鷲吟。鏗鏗琅玕音。梟摧明月嘯。鶴起清風心。渭水不可渾。涇流徒相侵。俗侶唱桃葉。隱仙鳴桂琴。子野真遺却。浮淺藏淵深。

答姚怱見寄

日月不同光。晝夜各有宜。賢哲不苟合。出處亦待時。而我獨迷見。意求異士知。如將舞鶴管。誤向驚鳧吹。大雅難具陳。正聲易漂淪。君有丈夫淚。泣人不泣身。行吟楚山下。一作王義淚沾衣巾。

便是好箏鼓
琴意

可想其品調
六古

創語

答邵郎中

松栢死不變。千年色青青。志士貧更堅。守道無異
營。每彈瀟湘瑟。獨抱風波聲。中有失意吟。知者淚
滿纓。何以報知者。永存堅與貞。

答盧虔故園見寄

訪舊無一人。獨歸清雜春。花聞哭聲死。水見別容
新。亂後故鄉宅。多為行路塵。因悲楚左右。謗玉不
知珉。

汝墳蒙從弟楚材見贈時郊將入秦楚材適

楚

朝為主人。心夕作行客。吟汝水忽淒咽。汝風流苦
音。北闕秦門高。南路楚石深。分淚洒白日。離腸遶
青岑。何以寄遠懷。黃鶴能相尋。

同從叔簡酬盧殷少府

梅尉吟楚聲。竹風為淒清。深虛冰在性。萬潔雲入
情。借水洗閑貌。寄焦書逸名。羞將片石文。鬪此雙

每出語必造

孟東野卷七

瓊英

酬李侍御書記秋夕雨中病假見寄

秋風遶衰柳。遠客聞雨聲。重茲阻良夕。孤坐唯積
誠。果枉移疾詠。中含嘉慮明。洗滌煩濁盡。視聽昭
曠生。未覺衾枕倦。久為章奏嬰。達人^{作保}不寶藥。所保
在閑情。

答盧仝

楚屈入水死。詩孟踏雪僵。直氣苟有存。死亦何所

不過言冰奇
險乃爾

妨。日劈高查牙。清稜含冰漿。前古後古冰。與山氣
勢強。閃怪千石形。異狀安可量。有時春鏡破。百道
聲飛揚。潛仙不足言。朗客無異腸。為君傾海宇。日
夕多文章。天下豈無緣。此山雪昂藏。煩君前致詞。
哀我老更狂。狂歌不及狂。歌聲緣鳳皇。鳳今何當
來。消我孤直瘡。君文真鳳聲。宣隘滿鏗鏘。洛友零
落盡。逮茲悲重傷。獨自奮異骨。將騎白^{一作玉}角翔。再三
勸莫行。寒氣有刀槍。仰慙君子多。慎勿作芬芳。

奉報翰林張舍人見遺之詩

百蟲笑秋律。清削月夜聞。曉稜視聽微。風翦葉已
紛。君子鑒大雅。老人非俊羣。收拾古所棄。俛仰補
空文。孤韻恥春俗。餘響逸零露。自然蹈終南。滌暑
凌寒氛。巖霰不知午。礪澌鎮含曛。曾是醒沽醉。所
以多隱淪。江調樂之遠。溪謠生徒新。衆蘊有餘採。
寒泉空哀呻。南謝竟莫至。北宋當時珍。願靈各自
異。酌酒誰能均。昔詠多寫諷。今詞詎無因。品松何

酌聖佳

高翠。宮殿沒荒榛。苔趾識宏製。沙溼游崩津。忽吟
陶淵明。此卽羲皇人。心放出天地。形拘在風塵。前
賢素行階。夙嗜青山勤。達士立明鏡。朗言爲近臣。
將期律萬有。頃倒甄無垠。鸞鷲應蟋蟀。絲毫意皆
申。况於三千章。哀叩不爲神。

送別上

送從弟郢東歸

爾去東南夜。我無西北夢。誰言貧別易。貧別愁更

起意便別

重曉色奪明月。征人逐羣動。秋風楚濤高。旅榜將誰共。

山中送從叔赴舉

石根百尺杉。山根一片泉。一作停倚之道氣高。飲之詩思鮮。於此逍遙場。忽奏別離絃。却笑薜蘿子。不同鳴躍年。

送別崔寅亮下第

天地唯一氣。用之自偏頗。憂人成苦吟。達士爲高

千古同恨

歌。君子識不淺。桂枝憂更多。歲晏期攀折。時歸且婆娑。素質如削玉。一作荆清詞若傾河。虬龍未化時。魚鱉同一波。去矣當自適。故鄉饒薜蘿。

大梁送柳淳先入關

青山輾爲塵。白日無閑人。自古推高車。爭利西入

秦。王門與侯門。待富不待貧。一作費空攜一束書。一作獨去去誰

相親。一作誰

送無懷道士遊富春山水

一作送別吳逸士歸山

造字不新不
已

造化絕高處一作見富春獨多觀。山濃翠滴灑一作的碎水折珠摧。
殘溪鏡不隱髮樹衣常遇寒一作禦風猿虛空飛月。犹叫
嘯酸信此神僊路一作樂豈為時俗安。煮金陰陽火一作芙蓉水囚怪
星宿壇花發我未識一作或玉生忽藂攢。蓬萊浮蕩漾非
道相從難。

送温初下第

日落濁水中。夜光誰能分。高懷無近趣。清抱多遠
聞。欲識丈夫志。心藏孤岳雲。長安風塵別。咫尺不

見君。

送盧虔端公守復州

師曠聽羣木。自然識孤桐。正聲逢知音。願出大朴
中。知音不韻俗。獨立一作立占古風。忽挂觸邪冠。逮逐南
飛鴻。肅肅太守章。明明華轂熊。商山無平路。楚水
有驚濤。日月千里外。光陰難載同。新愁徒自積。良
會何由通。

送任齊二秀才自洞庭遊宣城

任載齊古
并序

文章者。賢人之心氣也。心氣樂。則文章正。心氣非。則文章不正。當正而不正者。心氣之偽也。賢與偽見於文章。一直之詞。衰代多。禍賢無曲詞。文章之曲直。不由於心氣。心氣之悲樂。亦不由賢人。由於時故。今宜州多君子。閑暇而寬。文章之曲直。纖微悉而備舉。洞庭二客。勉而客去之。鼓其風波之詞。吾知夫樂莫是行也。遂為詩曰。

是洞庭圖

洞庭非人境。道路行虛空。二客月中下。一帆天外風。魚龍波五色。金碧樹千叢。閃怪如可懼。在誠無不通。扣音知浩淼。採異訪穹崇。物表即高韻。人間訪仙公。宣城文雅地。謝守聲問融。證玉易為力。辨氓誰不同。從茲阮籍淚。且免泣途窮。

送曉公歸庭山

一作稽亭

庭山何崎嶇。寺路緣翠微。秋霽山盡出。日落人獨歸。雲生高高步。泉洒田田衣。枯巢無還羽。新木有

清景清句似
摩詰

爭飛茲焉不可繼。夢寐空清輝。

送豆盧策歸別墅

宜作始既高
安有不栖

短松鶴不巢。高石雲不栖。一作始君今瀟湘去。意與雲鶴一作性

齊。力買竒險地。手開清淺溪。身披薜荔衣。山陟莓

苔梯。一卷冰雪文。避俗常自攜。

送清遠上人歸楚山舊寺

一作國清上人遊蘄

波中出吳境。霞際登楚岑。山寺一別來。雲蘿三改

陰。詩誇碧雲句。道證青蓮心。應笑泛萍者。不知松

一作憐萍泛

隱深。

山中送從叔簡

莫以手中瓊。言邀世上名。莫以山中迹。久向人間

行。松栢有霜操。風泉無俗聲。應憐枯朽質。驚此別

離情。

送蕭鍊師入四明山

閑於獨鶴心。大於高松年。迥出萬人表。高棲四明

巔。千尋直裂峯。百尺倒瀉泉。絳雪為我飯。白雲為

古
每以貞操自
擬六以礪

我田靜言不語俗靈蹤時步天。

一作話

孟東野詩集卷七終

孟東野目錄卷八

送別下

感別送從叔校書簡再登科東歸

送玄亮師

送李尊師玄

同晝上人送部秀才江南尋兄弟

春日同韋郎中使君送鄒儒立少府扶侍赴

雲陽

送從叔校書簡南歸

送韓愈從軍

送李翱習之

送丹霞子阮芳顏上人歸山

送從舅端適楚地

送盧汀侍御歸天德幕

送草書獻上人歸廬山

和薛先輩送獨孤秀才上都赴嘉會得青字

送崔爽之湖南

送超上人歸天台

同李益崔放送王鍊師還樓觀兼爲羣公先

營山居

張徐州席送岑秀才

送黃構擢第後歸江南

送道士

送孟寂赴舉

同溧陽宰送孫秀才

溧陽唐興寺觀薔薇花同諸公餞陳明府

送柳涪

送殷秀才南遊

送青陽上人遊越

奉同朝賢送新羅使

留弟郢不得送之江南

送陸暢歸湖州因憑題故人皎然塔墜羽墳

送淡公十二首

送魏端公入朝

送盧郎中汀

送鄭僕射出節山南

別妻家

贈姚怱別

贈竟陵盧使君虔別

與韓愈李翱張籍話別

監察十五叔東齋招李益端公會別

汴州別韓愈

贈別殷山人說易後歸幽墅

壽安西渡奉別鄭相公二首

孟東野詩集卷八

唐 武康孟郊 撰

宋 天台國材 評

送別下

感別送從叔校書簡再登科東歸

長安車馬道高槐一作柳結浮陰下有名利人一人千萬

心黃鵠多遠勢滄溟無近濶怡怡靜退姿冷冷思

歸吟菱唱忽生聽芸書廻望深清風散言笑餘花

孟東野卷八

必歌刻畫出
世情

綴衣襟。獨恨魚鳥別。一飛將一沉。

送玄亮師

蘭泉滌我襟。杉月棲我心。茗啜綠淨花。一作味經誦清柔音。何處笑為別。淡情愁不侵。

送李尊師玄

口誦碧簡文。身是青霞君。頭冠兩片月。肩披一條雲。松骨輕自飛。鶴心高不羣。

同畫上人送鄒秀才江南尋兄弟

字法必造

地上春色生。眼前詩彩明。手携片寶月。言是高僧名。溪轉萬曲心。水流千里聲。飛鳴向誰去。江鴻弟與兄。

春日同韋郎中使君送鄒儒立少府扶侍赴

雲陽

離思着百草。緜緜生無窮。側聞畿甸秀。三振詞策雄。太守不韻俗。諸生皆變風。郡齋敞西清。楚瑟驚南鴻。海畔帝城望。雲陽天色中。酒酣正芳景。詩綴

新碧叢服綵老萊並。侍車江革同。過隋柳鷓頰入。
落花蒙籠高步詎留足。前程在層空。獨慙病鶴羽。
飛送力難崇。

送從叔校書簡南歸

一作東游

長安別離道。宛在東城隅。寒草根未死。愁人心已
枯。促促水上景。遙遙天際途。生隨昏曉中。皆被日
月驅。北騎達山岳。南帆指江湖。高蹤一超越。千里
在須臾。

連生之言

送韓愈從軍

志士感恩起。變衣非變性。親賓改舊觀。僮僕生新
敬。坐作羣書吟。行爲孤劍詠。始知出處心。不失平
生正。淒淒天地秋。凜凜軍馬令。驛塵時一飛。物色
極四靜。王師既不戰。廟畧在無競。王粲有所依。元
瑜初應命。一章喻檄明。百萬心氣定。今朝旗鼓前。
笑別丈夫盛。

同弟郎中使君河南裴文學

孟東野卷八

河南有歸客。江風繞行襟。送君無塵聽。舞鶴清瑟。
音菱蔓綴楚棹。日華正嵩岑。如何謝文學。還起會
一作長雲吟。

送李翺習之

習之勢翩翩。東南去遙遙。一作寄贈君雙履足。一爲上臯
橋。臯橋路透迤。碧水清風飄。新秋折藕花。應對吳
語嬌。千巷分淥波。四門生早潮。湖榜輕裊裊。酒旗
高寥寥。小時屐齒痕。有處應未銷。舊憶如霧星。恍

見於夢消。言之燒人心。事去不可招。獨孤宅前曲。
笙篴醉中謠。壯年俱悠悠。逮茲各焦焦。執手復執
手。唯道無枯凋。

送丹霞子阮芳顏上人歸山

松色不肯秋。玉性不可柔。登山須正路。飲水須直
流。倩鶴附書信。索雲作衣裘。仙村莫道遠。枉策招
交游。

送從舅端適楚地

好世人語

語必欲創獲

結得索

歸情似泛空。飄蕩楚波中。羽扇掃輕汗。布帆篩細
風。江花折菡萏。岸影泊梧桐。元舅唱離別。賤生愁
不窮。

送盧汀侍御歸天德幕

仲宣領騎射。結束皆少年。匹馬黃河岸。射雕清霜
天。旌旗防日北。道路上雲巔。古雪無銷鑠。新冰有
堆填。清溪徒聳峭。白壁自招賢。豈比重思者。閉門
方獨全。

送草書獻上人歸廬山

狂僧不為酒。狂筆自通天。將書雲霞片。直至清明
巔。手中飛黑電。象外瀉玄泉。萬物隨指顧。三光為
迴旋。聚書雲霧霽。洗硯山晴鮮。忽怒畫虵虺。噴然
生風煙。江人願停筆。驚浪恐傾船。

和薛先輩送獨孤秀才上都赴嘉會得青字

秦雲攀窈窕。楚桂搴芳馨。五色豈徒爾。萬枝皆有
靈。仙謠天上貴。林詠雪中青。持此一為贈。送君翔

不必有之事
妙于贊

杳冥。

送崔爽之湖南

江與湖相通。二水洗高空。定知一日帆。一作福使得千里風。雪唱與誰和。俗情多不通。何當逸一作鶴通翮。縱飛起泥沙中。

送超上人歸天台

天台山最高。一作仙動躡赤城霞。何以靜雙目。掃山除妄花。何以潔其性。一作鑿形影濾泉去泥沙。靈境物皆直。萬松無

有得語

一斜。月中見心近。雲外將世賒。山獸護方丈。山猿捧袈裟。遺身獨得身。笑我牽名華。

同李益崔放送王鍊師還樓觀兼為羣公先

營山居

作千十年白雲士。一卷紫芝書。來結崆峒侶。還期縹緲居。霞冠遺彩翠。一作丹月帳上空虛。寄謝泉根水。清冷閒有餘。

張徐州席送岑秀才

孟東野卷八

振振芝蘭步。昇自君子堂。泠泠松桂吟。生自楚客腸。鷙鳥無定棲。驚蓬在他鄉。去茲門館閒。卽彼道路長。雨餘山川淨。麥熟草木涼。楚淚滴章句。京塵深衣裳。贈君無餘它。久要不可忘。

送黃構擢第後歸江南

澹澹滄海氣。結成黃香才。幼齡思奮飛。弱冠遊靈臺。一鶚顧喬木。衆禽不敢猜。一驥騁長衢。衆獸不敢陪。遂得會風雨。感通如雲雷。至矣小宗伯。確乎

心不回。能令幽靜人。聲實喧九垓。却憶江南道。祖筵花裏開。春風不能別。別罷空徘徊。

送道士

千年山上行。山上無遺踪。一日人間游。六合人皆逢。自有意中侶。白寒徒相從。

送孟寂赴舉

烈士不憂身。爲君吟苦辛。男兒久失意。寶劍亦生塵。浮俗官是貴。君子道所珍。况是聖明主。豈乏證

狀仙家之窮
如劉子訓然

玉臣濁水無白日。清流鑒蒼旻。賢愚皎然別。結交當有因。

同溧陽宰送孫秀才

廢瑟難爲絃。南風難爲歌。幽幽拙疾中。忽忽浮夢多。清韻始嘯侶。雅言相與和。訟閒每往招。祖送奈若何。牽苦強爲贈。邦邑光峩峩。

溧陽唐興寺觀薔薇花同諸公餞陳明府

忽驚紅琉璃。千艷萬艷開。佛火不燒物。淨香空徘徊。

無味

迴花下印文字。林間詠觴杯。羣臣餞宰官。此地車馬來。

送柳淳

青山臨黃河。下有長安道。世上名利人。相逢不知老。

送殷秀才南遊

詩句臨離袂。酒花薰別顏。水程千里外。岸泊幾宵間。風葉亂辭木。雪猿清叫山。南中多古事。詠遍始

古意世情二
十字盡有

好別語

五字字字有
画

應還

送青陽上人遊越

秋風吹白髮。微官自蕭索。江僧何用歎。溪縣饒寂寞。楚思物皆清。越山勝非薄。時看鏡中月。獨向衣上落。多謝入冥鴻。笑予在籠鶴。

奉同朝賢送新羅使

淼淼望遠國。一萍秋海中。恩傳日月外。夢在波濤東。浪興豁胸臆。泛舟程虛空。既茲吟仗信。亦以難

東野所詣可
見二字自目

私躬。實怪賞不足。異解悅多叢。安危所繫重。征役誰能窮。彼俗媚文史。聖朝富才雄。送行數百首。各以鏗竒工。冗隸竊抽韻。孤屬思將同。

留弟郢不得送之江南

剛有下水船。白日留不得。老人獨自歸。苦淚滿眼黑。

送陸暢歸湖州因憑題故人皎然塔陸羽墳

渺渺雪寺前。白蘋多清風。昔游詩會滿。今游詩會

空孤吟玉淒惻。遠思景家籠。杼山塼塔禪。竟陵廣
宵翁。饒彼草木聲。髣髴聞餘聰。因君寄數句。遍爲
書其藁。追吟當時說。來者實不窮。江調難再得。京
塵徒滿躬。送君溪鴛鴦。彩色雙飛東。東多高靜鄉。
芳宅冬亦崇。手自擷甘旨。供養歡冲融。待我遂前
心。收拾使有終。不然洛岸亭。歸死爲大同。

送淡公十二首

燕本冰雪骨。作操越淡蓮花風。五言雙寶刀。聯響高飛

燕本越澹

鴻翰苑錢舍人詩韻鏗雷公。一作未識本未識淡。仰詠嗟
無窮。清恨生物表。朗玉傾夢中。常於冷竹坐。相語
道意冲。嵩洛興不薄。稽江事難同。明年若不來。我
作黃嵩翁。何以兀其心。爲君學虛空。

又

坐愛青草上。意含滄海濱。渺渺獨見水。悠悠不問
人。鏡浪洗手綠。剡花入心春。雖然防外觸。無奈饒
衣新。行當譯文字。慰此吟殷勤。

占甚似謠
以後三首不
復似贈僧語
不知何所指
疑是樂府別
題誤入耳

又

銅斗飲江酒。手拍銅斗歌。儂是拍浪兒。飲則拜浪
婆。脚踏小船頭。獨速舞短簑。笑依漁陽操。空恃文
章多。閒倚青竹竿。白日奈我何。

又

短簑不怕雨。白鷺相爭飛。短楫畫菰蒲。鬪作豪橫
歸。笑伊水健兒。浪戰求光輝。不如竹枝弓。射鳥無
是非。

又

射鳥復射鳥。鳥驚菰蒲頭。鴛鴦亦零落。彩色難相
求。儂是清浪兒。每踏青浪游。笑伊鄉貢郎。踏土稱
風流。如何非角翁。至死不裹頭。

又

師得天文章。所以相知懷。數年伊雒同。一旦江湖
乖。江湖有故莊。小女啼啾啾。我憂未相識。乳養難
和諧。幸以片佛衣。誘之令看齋。齋中百福言。催促

此首明白

頭字重韻

西歸來。

又

伊洛氣味薄。江湖文章多。坐緣江湖岸。意識鮮明一作波。銅斗短簔行。新章其奈何。茲焉激切句。非是等閒歌。製之附驛迴。勿使餘風訛。都城第一寺。昭成屹嵯峨。為師書廣壁。仰詠時經過。徘徊相思心。老淚雙滂沱。

又

見江南寔境

江南寺中邑一作邑古平地生勝山。開元吳語僧。律韻高且閒。妙樂溪岸平。桂榜復往還。樹石相鬪生。紅綠各異顏。風味我遙憶。新奇師獨攀。

又

報恩兼報德。寺與山爭鮮。一作先橙橘金蓋檻。竹蕉綠凝禪。經童音韻細。風磬清冷翩。離腸繞師足。舊憶隨路延。不知幾千尺。至死方綿綿。

又

報恩報德二寺名

鄉。在。越。鏡。中。分。明。見。歸。心。鏡。芳。步。步。綠。鏡。水。日。日。
深。異。剎。碧。天。上。古。香。清。桂。岑。朗。約。徒。在。昔。章。句。忽。
盈。今。幸。因。西。飛。葉。書。作。東。風。吟。落。我。病。枕。上。慰。此。
浮。恨。侵。

又

牽。師。袈。裟。別。師。斷。袈。裟。歸。問。師。何。苦。去。感。泣。言。語。
稀。意。恐。被。詩。餓。欲。住。將。底。依。盧。殷。劉。言。史。餓。死。君。
已。噫。不。忍。見。別。君。哭。君。他。是。非。

又

詩。人。苦。爲。詩。不。如。脫。空。飛。一。生。空。噉。氣。非。諫。復。非。
譏。脫。枯。掛。寒。枝。棄。如。一。唾。微。一。步。一。步。乞。半。片。半。
片。衣。倚。詩。爲。活。計。從。古。多。無。肥。詩。飢。老。不。怨。勞。師。
淚。霏。霏。

送魏端公入朝

東。洛。尚。淹。翫。西。京。足。芳。研。大。賓。威。儀。肅。上。客。冠。劍。
鮮。豈。惟。空。戀。闕。亦。以。將。朝。天。局。促。塵。末。吏。幽。老。病。

中絃徒懷青雲價。忽至白髮年。何當補風教。爲薦
三百篇。

送盧郎中汀

洛水春渡濶。別離心悠悠。一生空吟詩。不覺成白
頭。向事每計較。與山實綢繆。太華天上開。其下車
轍流。縣街無塵土。過客多淹留。坐飲孤驛酒。行思
獨山遊。逸關嵐氣明。照渭空漪浮。玉珂擺新歡。聲
與鸞鳳儔。朝謁大家事。唯余去無由。

送鄭僕射出節山南

一作酬鄭興元僕射招

國老出爲將。紅旗入青山。再招門下生。結束餘病
孱。自笑騎馬醜。強從驅馳間。一作頑顧顧磨天路。裊裊鏡
下顏。文魄旣飛越。宦情唯等閑。羨他白面少。多是
清朝班。惜命非所報。慎行誠獨艱。悠悠去住心。兩
說何能刪。

別妻家

芙蓉濕曉露。秋別南浦中。鴛鴦卷新贈。遙戀東牀

空碧水不息浪。清溪易生風。參差坐成阻。飄飄去作恨
無窮。孤雲目雖斷。明月心相通。私情詎銷鑠。積芳
在春藂。

贈姚怱別

美人廢琴瑟。不是無巧彈。聞君郢中唱。始覺知音
難。驚蓬無還根。馳水多分瀾。倦客厭出門。疲馬思
解鞍。何以寫此心。贈君握中丹。

贈竟陵盧使君虔別

似十九首中
語

赤日千里火。火中行子心。孰不苦焦灼。所行為貧
侵。山木豈無涼。猛獸蹲清陰。歸人憶平坦。別路多
嶮嶽。賴得竟陵守。時聞建安吟。贈別折楚芳。楚芳一作芳也
搖衣襟。

與韓愈李翱張籍話別

劉云不料下句如此

朱絃奏離別。華燈少光輝。物色豈知異。人心故將
違。客程殊未已。歲華忽然微。秋桐故葉下。寒露新
鴈飛。遠遊起重恨。送人念先歸。夜集類飢鳥。晨光

失相依。馬跡遶川水。一作妻法守鴈書還閨闈。常恐親朋阻。獨
行知慮非。

監察十五叔東齋招李益端公會別

欲知惜別離。瀉水還清池。此地有君子。芳蘭步歲
蕤。一作綴手掇雜英珮。一作彩意搖春夜思。一作夢莫作遶山雲。循環無
定期。

汴州別韓愈

不飲濁水瀾。空滯此汴河。坐見遶岸冰。一作水盡爲還海

波。四時不在家。弊服斷線多。遠客獨顛顛。一作合春英落
婆娑。汴水饒曲流。野桑無直柯。但爲君子心。一作飲之歎息
終匪他。

贈別殷山人說易後歸幽墅

夫子說天地。若與靈龜言。幽幽人不知。一一予所
敦。秋月吐白夜。涼風韻清源。旁通忽已遠。神感寂
不喧。一悟祛萬結。夕懷傾朝煩。旅輶無停波。別馬
嘶去轅。殷勤荒草土。會有知已論。

壽安西渡奉別鄭相公二首

洛河向西道。石波橫磷磷。清風送君子。車遠無還塵。春別亦蕭索。况茲冰霜晨。零落景易入。鬱抑抱難申。百宵華燈宴。一旦星散人。歲去絃吐箭。憂來蠶抽綸。綿綿無窮事。各各馳遶身。徘徊送縹緲。倏忽春霜賓。相爲物表物。永謝區中姻。日嗟來教士。仰望無由親。

東都清風減。君子西歸朝。獨抱歲晏恨。泗吟不成

造語極其形容

謠。貴遊意多味。賤別情易消。迴鴈憶前叫。浪鳧念後漂。悠悠孤飛景。聳聳御霜條。昧趣多滯澀。懶朋寡新僚。病深理方晤。悔至心自燒。寂靜道何在。憂勤學空饒。乃知減聞見。始遂情逍遙。文字徒營織。聲華諒疑驕。顧慙耕稼士。朴畧氣韻調。善士有餘食。佳畦冬生苗。養人在養身。此旨清如韶。願貢高古言。敢望錫類招。

孟東野詩集卷八終

